

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **ZAKLJUČAK**

### **o obustavljanju postupka**

pokrenutog po Zahtjevu Vlade Brčko Distrikta Bosne i Hercegovine, protiv Grupe ponuđača koju čine: Hrvatska pošta Mostar doo Mostar, JP BH Pošte doo Sarjevo i Preduzeće za poštanski saobraćaj RS a.d. Banja Luka

**Sarajevo**  
**mart, 2026. godine**



Broj: UP-04-26-2-23-28/25  
Sarajevo, 24.3.2026. godine

Konkurencijsko vijeće Bosne i Hercegovine na osnovu člana 25. stav (1) tačka e) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09) i člana 122. stav (2) Zakona o upravnom postupku („Službeni glasnik Bosne i Hercegovine“, br. 29/02, 12/04, 88/07, 041/13 i 53/16) u postupku pokrenutom po Zaključku broj: UP-04-26-2-23-10/25 od 29.12.2025. godine, protiv Grupe ponuđača koju čine: „Hrvatska pošta Mostar doo Mostar“, Tvrtka Miloša bb, 88000 Mostar, „JP BH Pošte doo Sarjevo“, ul. Obala Kulina bana br. 8, 71000 Sarajevo i „Preduzeće za poštanski saobraćaj Republike Srpske a.d. Banja Luka“, ul. Kralja Petra I Karađorđevića br. 93, 78000 Banja Luka, radi utvrđivanja zloupotrebe dominantnog položaja u smislu člana 10. stav (2) tačke a), b) i d) Zakona o konkurenciji, na 41. sjednici održanoj dana 24.3.2026. godine, je donijelo

### **Z A K L J U Č A K** **o obustavljanju postupka**

1. Obustavlja se postupak pokrenut radi utvrđivanja zloupotrebe dominantnog položaja u smislu člana 10. stav (2) tačke a), b), i d) Zakona o konkurenciji, po Zahtjevu podnesenom od strane Vlade Brčko Distrikta Bosne i Hercegovine, zastupane po Pravobranilaštvu Brčko Distrikta Bosne i Hercegovine, protiv Grupe ponuđača koju čine: „Hrvatska pošta Mostar“ doo Mostar, „JP BH Pošte“ doo Sarajevo i „Preduzeće za poštanski saobraćaj Republike Srpske“ a.d. Banja Luka.
2. Ovaj zaključak je konačan i bit će objavljen u „Službenom glasniku Bosne i Hercegovine“ i službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (dalje u tekstu: Konkurencijsko vijeće) je dana 11.8.2025. godine pod brojem: UP-04-26-2-023-1/25, zaprimilo Zahtjev za pokretanje postupka protiv Grupe ponuđača koju čine: „Hrvatska pošta Mostar doo Mostar, JP BH Pošte doo Sarjevo i Preduzeće za poštanski saobraćaj RS doo Banja Luka“, radi utvrđivanja postojanja zabranjenog konkurencijskog djelovanja, u vezi zloupotrebe dominantnog položaja u smislu člana 10. Zakona o konkurenciji («Službeni glasnik BiH» br. 48/05, 76/07 i 80/09)(dalje u tekstu: Zakon).

Zahtjev je podnesen od strane Brčko Distrikta Bosne i Hercegovine, zastupan po Pravobranilaštvu Brčko Distrikta.

Konkurencijsko vijeće je ocijenilo da povrede Zakona, na koje Podnosilac zahtjeva ukazuje, nije moguće utvrditi bez provođenja postupka, te je dana 29.12.2025. godine, donijelo Zaključak o pokretanju postupka broj: UP-04-26-2-23-10/25 protiv Grupe ponuđača koju čine: „Hrvatska pošta Mostar doo Mostar, JP BH Pošte doo Sarjevo i Preduzeće za poštanski saobraćaj RS doo Banja Luka“ .

Odredbom člana 122. stav (2) Zakona o upravnom postupku, utvrđeno je da kada je postupak pokrenut po zahtjevu stranke, a stranka odustane od svog zahtjeva, organ koji vodi postupak donijet će zaključak kojim se postupak obustavlja.

Konkurencijsko vijeće je dana 20.2.2026. godine, pod brojem UP-04-26-2-23-26/25, zaprimilo podnesak zastupnika Podnosioca zahtjeva, kojim isti povlači i obavještava Konkurencijsko vijeće da odustaje od podnesenog zahtjeva za pokretanje postupka pred ovim organom.

U skladu s naprijed navedenim, Konkurencijsko vijeće je odlučilo kao u dispozitivu ovog Zaključka.

### **Pouka o pravnom lijeku**

Protiv ovog Zaključka nije dopuštena žalba.

**Predsjednica**

Ninela Salihbašić

### **Dostaviti:**

- Podnosiocu zahtjeva;
- Protivnoj strani i
- u spis.